



RESOLUCIÓN, DA DIRECCIÓN XERAL DE CALIDADE AMBIENTAL E CAMBIO CLIMÁTICO,
POLA QUE SE MODIFICA A AUTORIZACIÓN AMBIENTAL INTEGRADA NÚM.
2006/0262_NAA/IPPC_170

Instalación: planta de extrusión e lacado de perfís de aluminio	Modificación non substancial da autorización ambiental integrada
Titulares: Exlabesa Building System, SAU	Expediente 2018-IPPC-M-80
Localización: concello de Valga (Pontevedra)	Data: 16.07.2018

ANTECEDENTES

1. A antiga Dirección Xeral de Calidade e Avaliación Ambiental outorgou o 06.05.2008 a autorización ambiental integrada 200/0262_NAA/IPPC_170 a Aluminios Padrón, SA para a instalación referida no encabezamento.
2. O 11.10.2017 modificouse a autorización ambiental integrada por cambio de denominación social, xa que Aluminios Padrón, SA pasou o 31.07.2017 a denominarse Exlabesa Building System, SAU.
3. O 20.06.2018 Exlabesa Building System, SAU comunicounos que tiñan prevista a realización dunha reforma co obxecto de mellorar a xestión do almacenamento de produto terminado. Concretamente, remodelarase o antigo almacén, dotándoo dun sistema de xestión intelixente. Para a adecuación deste incrementárase a altura da nave, de xeito que os novos equipos de xestión do stock poidan instalarse.

A empresa cualifica a dita modificación como non substancial aos efectos do establecido no artigo 10 do Real decreto legislativo 1/2016, do 16 de decembro, polo que se aproba o texto refundido da Lei de prevención e control integrados da contaminación (BOE núm. 316 do 31.12.2016).

CONSIDERACIÓNS LEGAIS E TÉCNICAS

1. A instalación está incluída no anexo I, categorías 2.6, do Real decreto legislativo 1/2016, do 16 de decembro, polo que se aproba o texto refundido da Lei de prevención e control integrados da contaminación (BOE núm. 316 do 31.12.2016).
2. A Dirección Xeral de Calidade Ambiental e Cambio Climático é o órgano competente para resolver o procedemento de autorización ambiental integrada, segundo o establecido no Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio (DOG núm. 221 do 19.11.2015), nos termos indicados na disposición transitoria segunda do Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia (DOG núm. 239 do 16.12.2016).

De acordo con todo o indicado, RESOLVO incorporar ao anexo II da AAI *Descrición da instalación*, a existencia dun novo almacén intelixente localizado na antiga nave de almacén.

Contra esta resolución, que non pon fin á vía administrativa, poderase interpoñer, no prazo dun mes, recurso de alzada ante a conselleira de Medio Ambiente e Ordenación do Territorio, de conformidade co disposto no artigo 121 da Lei 39/2015, do 1 de outubro, do procedemento administrativo común das administracións públicas (BOE núm. 236 do 02.10.2015).

Santiago de Compostela, 16 de xullo de 2018

A xefa do Servizo de Prevención
e Control Integrados da Contaminación


María Diéguez Gómez

O subdirector xeral de Avaliación Ambiental


José Manuel Tobío Boquete

Resolve:

A directora xeral de Calidade Ambiental e Cambio Climático


María Cruz Ferreira Costa